



Газет 2001-йисан
ноябрдилаы акъатзава

Эренлардин СЕС

РД-дин Докъузпара райондин общественно-политический газет.
Общественно-политическая газета Докузпаринского района РД.

№32 (1014) 11-август, арбе, 2021-йис. Газетдин са экз. къимет киоскрай - 13 манат

М. Шамилов: "Хейлин квалалахар ийиз алакьда"

Квалахдин жигъетдай гуьрушмишвал аваз "Докъузпара район" МР-дин Къил Мегъамед Шамилов РД ГКУ "Дагсельхозстрой" тешкилатдин директор Мегъамед Юсуповахъ галаз гуьрушмиш хъана.

Квалахдин гуьрушмишвиле райондин эцигунрин рекъий гегъенш месэлайрин спектр гыялна. Абурукай садни райондин хуьрер газдалди таъминаруниз талукьди тир. РД-дин Правительстводин Председатель Абдулпатах Гъажиевич Амирханован теклифдалди, адан къалуруналди "Докъузпара район 2021-2023-йисара яшайишдинни экономикадин рекъий виликди тухуниз" талукъарнавай программа къилиз акъдун паталди арадал гъанвай адан проектдихъ галазни таниш хъана. Исятда адан бинедаллаз, адахъ галаз разивал паталди профилдин министер-ствойри квалалахава.

Программада 50 яшайишдин объектлар (мектебар, аялрин бахчагар,



спортзалар, рекъера асфальт цун ва масабур) къалурунава.

"Умудлу жез кланзава, РД-дин Къилин ва Правительстводин куьмекар галаз чавай мукъвал йисара

фикирда къунвай хейлин квалалахар ийиз алакьда", - кхъенва муниципалитетдин Къили Инстаграмда авай вичин чина.

РАЙАДМИНИСТРАЦИЯДА

Муниципалитетдин нубатдин совещание

9-августдиз райадминистрацидин заседанийрин залда Докъузпара райондин Къил Мегъамед Шамилован регъбервилек кваз гъар гъафтединди тир нубатдин совещание къиле фена.

Совещанидин карда райондин прокурор Мисбагъ Назирова, тешкилатрин ва идарайрин руководителри, хуьрерин администрацийрин къилери иштиракна.

Совещание ачухуналди, М. Шамилова адан иштиракчияр йикъан повесткадихъ галаз танишарна.

Сифтегъан месэладай (2021-йисан пуд лагъай кварталдиз кватнавай налогрин гъакъиндай) райадминистрацидин экономический отделдин пешекар Валудин Мегъамедханов экъечина рахана. Адан гъахъ-гъисабдихъ галаз рейсад

яз, планар эменнидин налукдай 76,9 процентдин, чилин налук - 69,70 процентдин ацурнава.

Переписдиз талукъ яз адресрин сиягъар туькьурзавай гъалдикай М. Шамилова суьгъбетна. Ада Вирироссиядин переписдиз вири хуьрерин агъалийри гъазурвал акуна кланзавайдакай, хуьрера ва шегъерра яшамиш жезвайбурун гъакъиндай тамам делилар



авай сиягъар арадал гъун хуърерин администрацийрин килеривай истемишна.

Райондин Къилин заместитель Ренат Агъаметова хуърерин килеривай хуърун майшатдин секторда гъайванрин къадарар гъикъван ятла чирун истемишна.

Райондин образованидин Управленидин ИМЦ-дин заведиш Мадрид Магъмудова цийи клелунин

йисаз аквазвай гъазурвилерикай суьгъбетна. Адан гафаралди, 12-августдиз райондин вири хуърерин мектебар цийи клелунин йисаз гъазурна куьтгъда.

Райондин Къили Къалажух ва Цийи Каракуьре хуъре киле тухуз-вай ремонтдин къвалахризни итиж авуна. Анра "Зи Дагъустан - зи рекъер" проектдай къвалахар зарб ерийралди киле физва. Гъакни

алай йисуз Усугъчай хуърун Агъаширинован тварунихъ галай куьче асфальт цунин сиягъдик ква.

17-19-сентябрдиз киле фидай сечкийриз талукъ яз хуърерин килеривай сечкийрин участокар гъазурун ва кардик кутун истемишна. Р. Агъаметова пулсуз яз къвалер газдик кутунин рекъай В. Путина къул члугунвай закон-дикайни риклел хкана.

Оперштабдин заседание хъана

9-августдиз Докъузпара райондин администрациядин заседанийрин залда Мегъамед Шамилован регъбервилек кваз цийи коронавирусдин тегъуьн чи райондин сергъятра чуклун тавуниз талукъ яз нубатдин оперштабдин заседание киле фена. Адан карда райондин прокурор Мисбагъ Назирова, ЦРБ-дин къилин врач Шагълар Бухсаева, райондин Къилин заместителри, хуърерин администрацийрин килери, райондин идарайрин ва отделрин начальникри ва руководителри иштиракна.

Заседание ачухуналди, М. Шамилова мярекатдин иштиракчияр йикъан повесткадикъ галаз танишарна ва ада къейдна, вакцинация авунин кампанияда район хъсан чкадал алатлани, эхиримжи вахтунин делилралди, Къуруш ва Мискискар хуърера инфекцидин рекъай авай гъалар пайгар туш. Анра садакай муькуьдак уьзуьр къазвай дуьшуьшара пара ава.

Цийи коронавирусдин рекъай протоколдин къарарар уьмуьрда куьчуьрмишуниз талукъ месэладай ва коронавирусдин инфекцидиз рехъ тагуниз талукъ месэладай гаф муниципалитетдин Къилин заместитель Ренат Агъаметоваз гана. Ада къейдна, алагай гъафтеда ада вичи гъар са хуърун килиз протоколдин къарарин экземплярар рекъе туна, амма садани гъеле хуърера авай гъаларикай гъахъ-гъисаб ганвач. Ада хуърерин килеривай вахтунда къабулнавай серенжемрин ва тухванвай къвалахдин гъахъ-гъисаб гун истемишна.

Мадни риклел хкана, РД-дин къилин санитарный врач Николай Павлова акъуднавай Къарардин важиблубликай. Ам мажбури вакцинация авунай килдин дережайрин, дестейрин агъалийриз талукъди я. И сиягъдик алишверишдин хиле къвалахзавайбурни акатзава. Вакцинация авунин рекъай месэла мягъкемдиз акваз-нава. Роспотреб-



надзорди бине авачиз адакай кил хкудзавайбуьр къвалахдин, къуллугъдин везифайрикай азадзава, абурал жермеяр илитлава.

Муниципалитетдин Къили къейдна, чи региондин Къил Сергей Меликова эхиримжи видеоконференц алакъада рахунар авуна, ам вакцинациядин сертификатдикай тир. Райондин Къили тагъкимарна, сертификатар маса саягъда туькьурайбуьр уголовный жавабдарвилез члугвазва. Ада райондин прокурордивай ва къилин врачдивай ихътин дуьшуьшриз рехъ тагун тлалабна.

Шагълар Бухсаева вичин нубатда райондин сергъятра коронавирусдин тлугъвал чуклур тавуниз талукъ яз къабулзавай серенжемрикай, алава месэлайрикай суьгъбетна. Алай вахтунда коронавирусдин уьзуьрдик начагъ лишанар авайбуьр муниципалитетдин ЦРБ-дин ковиддик начагъбуьр патал чара авунвай зонада ава. Больничный пневмонидалай къеце начагъбуьрун 50 дуьшуьш ава, 36 кас абур-укай амбулаторный сагъаруна, 14 агъали стационардин сагъаруна ава, 8 кас ЦРБ-да сагъарзава, пуд агъали Махачкъаладин ЦГБ-диз агакъарнава. Районда вакцинация киле физвай гъаларикайни килин врачди

хабар гана.

- Йисан эвелдилай ЦРБ-див 3750 доза вакцина агакъна. Къенин юкъуз вакцинадин сифте компонентдикай 3150 касди хийир къачунава, 2114 касди вакцинацидин процедура килиз акъудна куьтгънава. Гъа са вахтунда къилин врачди Мискискарин ва Къурушрин хуърерин агъалийри килиз акъудзавай вакцинацидин агъуз нетижайрикайни къейдна.

Райондин Къили и хуърерин килеривай агъалийрин арада гъавурдик кутунин къвалах киле тухун истемишна.

Ахъегъа кардик квай Роспотребнадзордин РД-дин Управленидин региональный отделдин руководитель Арсен Касимова чи райондин Къиливай санитарный врачдин истемишунар килиз акъудун, инфекцидин таъсирдик акатнавай хуърер мягъкем сергъятралди къевун тлалабна. Прокурордикъ галаз месляг авуналди М. Шамилова карантин гъелелиг эциг тавун къетлна, алай гъафтеда гъалар хъсан патлахъ дегиш тахъайтла, ахпа лазим тир серенжемар къабулдайди малумарна. Ада райондин вири хуърерин агъалийриз вахтуналди мехъеррин, инса-



нар саналди кватгал жедай мярека-
тар квиле тухун тавуниз эвер гана.
Мискискарин хуьруьн имам Али

Уружеваз эпидемидин гьалар кардик
ахкагдалди, мискинар клеун патта-
хъай меслятар гана.

Заседанидин эхирдай Р. Агъа-
метова оперштабдин заседанидин
протоколдин кьарар клелна.

Мискискарин хуьруьн агъалийриз гьахь-гьисаб авуна

9-августдиз полициядин тамам ихтиярар авай старший участковый Играм Жафарова Мискискарин хуьруьн агъалийрин вилик 2021-йисуз тамамарнавай квалахдин гьакьиндай гьахь-гьисаб авуна. И мярекагда Россиядин МО "Ахтынский" МВД-дин начальникдин везифаяр вахтуналди тамамарзавай Анвар Агьмедагьаева, МВД-дин УУП-дин ва ПДН-дин начальник Вадим Алиева, Мискискарин хуьруьн кьил Рузмедин Кьанберова, хуьруьн имам Али Уружева ишти-
ракна.

Вичин рахунра И. Жафарова хабар гана хьи, МВД-дин отделдин серенжемрин учетда 39 инсан ава. 4 кас виликдай суд-дувандик акатай бур я, 9 кас датлана ички хьунал рикл алай бур, 10 кас квалера кьалмакьал твазвай бур, 9 кас психикадин рекъий начагь бур. Абурун жергеда 4 кас яш тамам тахьанвай бур ава, 1 КоАП-дин тахсиркар я, масабуруни ава. Участковыйдин гафаралди, тамам йисуз 26 арзадиз ва пис патай авай ферзейриз (жалобайриз) кили-



гна, 2 административный протокол туькьурна, 355 квал гуьзчивилик кутуна, 182 административный материал туькьурна.

И. Жафаров вичин рахунра пиянискавили месэладални акъвазна.

- Гьайиф хьи, райондин сергьятра сагьардай зегьметдин профилакторияр кардик квач. Кьилдин суьгьбетри, жермеяр илитлуни хьсан

нетижаяр арадал гьизвач, - лагьана ада.

Р. Кьанберова ва А. Уружева хуьруьн агъалийриз коронавирсдин рекъий хуьре авай пис гьаларикай хабар гана, вакцинация авуниз эвер гана.

ЧИ МУХБИР

ВАКЦИНАЦИЯ

Усугьчайдин СОШ-дин директордин эвер гун



Рапар ягьунин хийирлу терефдиз талукь яз райондин агъалийрихь элкьвена Усугьчайдин СОШ-дин директор, райондин Собранидин депутат Тажидин Аразова рахана.

Ватангьлийрихь элкьвена

келимаяр гьидайла, ада кьейдна, цийи коронавирсдин гьалар яваш жезвач, аксина республикада начагь жезвай бурун кьадар артух я. И гьакькьатдин дугьривилиз килигна ада РД-дин кьилин санитарный

врачди акьуднавай кьарардикай агъалияр хабардарна ва абурун рикел хкана:

- Рапар ягьун чарасуз ва хиве жавабдарвал твазвай серенжемдин истемишун ва дуьз рехь я, - лагьана ада.

Т. Аразова кьейд авурвал, кьилдин дережайрин гражданин сиягьдик педработникарни акатзава.

- За жув образованидин терефдин пешекар хьуниз килигна, неинки са чирвилер ва тербия гунин рекъий ваь, абурун сагьламвили рекъийни жавабдарвал квиле тухвана кланзава. Гьавилий за ва захь галаз санал квал ахзавай буру вакцинацидин кьве этапни тухвана. Гьа идалди чна чун ва кваларив гвай бур хуьзва...

- Гьуьрметлу райондин агъалияр! Рапар ягьуникай кьил хкудмир. Сагьлам чанар жез алахь, начагьвал кьулукь тур! - эвер гана ада.

Райондин АТО-дин бухгалтердин эвер гун

Докъузпара райондин АТО-дин бухгалтер Лаият Надировади чи райондин агъалийриз вакцинацидин процедурадиз эвер гана.

Ада, вичи иммунизацидин кьве этапни алудна, вич хата-суз авуна, кьваларив гвайбурни COVID-19-дин таъсирдикай хуъзва. Ада вич хъсандиз гьиссзава, сагъла-мвилини ва гуьгьуьлдин рекъяй дегизи хъайи са лишанни авач.

Л. Надировади хъсан ерияр кватл хъанвай врачрин зенд кваз кьазва ва ам члалахъ агъазва, кьенини юкьуз вакцинация авун авай ва амуькьзавай хаталу азардикай хуьдай кар алай, авай гьалдай экъечлиз жедай илаж я.



Лаият Надирова
Бухгалтер МКУ "АТО Докъузпаринского района"

Дагъустан - Россиядин къакъудиз тежедай пай (1999-йисан август-сентябрдин вакъийриз талукъ яз)

1999-йисан 5-сентябрдиз Чечнядай агъурдалай кылихъ клеретлр авай боевикри (жаллатлри) Дагъустан Республикадин Новолак райондалу гужумна. Са суткадин кьене абуру Гамиях, Шушия, Чапаево, Пухчар хуьрер кьуна. Новолакское ва Дучи хуьрера МВД-дин къуллугъчи абурухъ галаз ягъунрик экечна. Милиционерриз куьмекдай федеральный Яракълу къуватрин подразделениеяр рекъе туна. Чкадин гуьгьуьллу клеретлри (ополченцийри) гьиле гьуьрчехъандин тфенгар, перер, маса алатар аваз женгерик кыл кутуна.

Дагъустандин ополченцийрин кьиле полковник, алай вахтунда отставкада авай генерал-майор, къурушви Шамил Асланов акъвазна. Гуьгьуьллубурун дестеяр лап къалин хъана.

Августдин вакъийра Госду-

мадин депутат, ОНФ-дин региональный штабдин председатель Умахан Умаханова вичин харжийрин куьмекдалди гуьгьуьллу дестеяр яракъланмишна, райондиз рация хкана, женгерин гьаларин алакъа гуьзчивилик хуьз хъана.

Мегьамед Умаргъажиева, ам Ботлих хуьруьн кыл тир, врач Абдуллаева Зуьгьреди, милициядин полковник Мударис Алидибиров ва къизгъин ягъунра иштиракай, хирер хъайибур сагъарна.

Августдин вакъийра иштиракай са касдиз Россиядин Игитвилини твар гана, амайбурун женгинин лайихлувилер "Яру гьед", "Ватандин вилик лайихлувилерай" ва маса шабагъралди кьейдна.

Гьа лап четин ва залан имтигъандин йикъара РФ-дин Президент В. В. Путин Дагъустандиз атанай. Ада лагъана: "Заз дагъустанвиар хуш тир.

Заз абуруз Ватандихъ авай кланивални алуна. Гила зун абурул ашукъ хъанва..!"

Дагъустан Россиядин къакъудиз тежедай пай тирди, адан Кьиблепатан мягъкем сергъят тирди чи дагъустанвиари 1999-йисан джеда, къизгъин женгера мад сеферда тестикъарна. Ватандин чехи джедин йисара советрин халкъди къазанмишай Гъалибвилини тарс авайвилай гзаф миллетрин векилрикай ибарат тир Дагъустандин халкъди жаллатлрин клеретлар тергни авуна.

Яшамшрай чи дуствал ва четин имтигъанра къазанмишай гъалибвал! Акъалтзавай несилдиз им лап чешнедин хийрлу тарс хъана. Яшамшрай Россия, яшамшрай Дагъустан!

Шагъбала ШАГЪБАЛАЕВ

Шагъбала ШАГЪБАЛАЕВ

Чехи гъалибвал

Фашизмдин хайнвилини кьилиз килигна,
Къанни муьжуд миллионди чанар эцигна -
Чи советрин аскерри авай тагъсиб - гьал,
Къазанмишна джеда чехи Гъалибвал.
Цун не авай гъавада, кузвай ракъини,
Са къаст авай виридахъ - пак Ватан хуьнин.
Жуьрэтлувал, уьткъемвал ерияр хъана,
Уьлкве хуьдай вахтунда дири яз хъана.
Таъмин туширтлани чун акъван яракълал,
Тафаватлу тир руьгъдин къакъан ахлакъдал.
Ивини гьекъ женгерин бине яз хъана,
Совет аскер дуньяда вине яз хъана.
Ада хвена уьмуьрдин азадвал, кьайда -
Туьретишна гъалибвал цуьк авай майда! -
9 лугъудай рекъемда чи яру пайдах
Рейхстагдин куьвал хъана, гъаз нур-дамах.
Ислягъвилини рехъ туьхуз кье чун я мягъкем,
И карда чакъ авай туш я рехне, я - кем.
"Хер хъайидаз а хирен тлани чир жеда",
Россиядин яракълал я муьрхъ, чирк жедач.
Гъар вагъшидин жилав къаз хъанва ам вердиш,
Агакъзава кье адав виш агъзур алхиш:

Баркалла ваз Россия! - чи чехи уьлкве,
Ви садвални, ви къуш хуьй гъаминша куькве.
Чун валди я такабур, дамахзава вал,
Вун себеб яз ислягъ рагъ алазва цавал!
Мубаракрай виридиз чехи Гъалибвал! -
Ам хуьн патал датлана ая сагъибвал.

Акъвазнавай чинарар
Аскерар хъиз, жергеда.
Гъар кьегъалдин тварунихъ
Цанвай, кьейи джеда:
Заз гъар хуьре, шегъерда
Гъисабдайла тарар и,
Куьз ятлани акъазва
Гзаф аваз тварар и.
Риклик тади акатна,
Пер къачузва гъилиз за.
Цийи кьелем бахшзава
Жуван хайи чилиз за -
Зи бубадин тварцихъай,
Зи халудин тварцихъай...

2021-йис

Наркотикрин аслувили квел гъизва

Наркотикри инсандин организмдиз ийизвай таъсир - дерин тема я. Гъихтин жуьредин наркотик хъайитлани, лап зайифдани, инсандин органрин кваллах зайифарзава, пивилихъ тухузва. Шартлуналди адакай рахаз жед хьи, организмдин гъар са системади, къурулушди адан "ягъун" вичелди къабулзава. Амма, гъакъкъатда, наркотикар ишлемишзавай инсандин, сифте нубатда, нервийрин система ва къилин мефтл гужуник акатзава. Гъа ида наркомандиз ийизвай агъур ва организм къайдадикай хкудзавай таъсир гъавурдик кутадайд ийизва. Гзаф дуьшуьшра адак акатун ва ориентирар квахъун сагъариз лап муракаб къайдада четин я. Инсандин мастладилай алатайла, наркотикри риклинни дамаррин сис-темадиз, жигерриз, хувадинни ратларин тракдиз, чулав лекъиниз, продуктивный системадиз чуру патахъай таъсирзава. Гзаф пешекарри къейдзавайвал, яргъалди чурун тавур вахтунда наркотикрик акарай-бурун организмдани адан гел аму-къзава.

Нервийрин система

Мефтл - чи организмдин лап къилин орган я. Бедендин вири системайри къайдадик кваз кваллах авун патахъай ада жаваб гузва. Гелбетда, тебиагдин ам акл тешкилнава хьи, герек ада чандиз зарар гузвай таъсирдикай вири органар хуьн. Ахътин таъсирдикайни сад - наркотикар я. Чебни гъар жуьредин-бур: синтезированный ва цана, арадал гъизвайбур. Абурун виридан бине зегъер я. Инсандин организм агъуламишзава. Токсинрикай хуьн паталди мефтледи дамарриз агаж жедай, шукъуь жезвай эмир гузва. Гъа, ида ахпа органриз, клеткайриз, бедендин парчайриз тади гъалда зегъер фидай мумкинвал арадал гъизва. Дамарар шукъуь хуьникди инсандал кислороддин каш алуькзават. Гъа ида къенепатан органарни гъелекзават. Санлай къачурла, кислород бес тахайла клеткай рекъизва, уьмуьр паталди важиблу ивидик



къвай хийирлу затлар организмдив агакъзавач.

Кислороддин кашуни лап пашман судуррал гъун мумкин я. Наркотикрин таъсир яргъалди ивидик кумукъзава, ада клеткайриз квачел ахкъалтдай я къуват, я мажал гузвач. Ахпа инсандин организм яваш-яваш рекъиз эгечзава. Кислороддин каш арадал атуникди мефтледи клеткай рекъизва. Санлай къачурла, мефтледи иллаки гзаф кислород истемишзава. Ам бес тахайла, инсандин организмда токсинар ва маса зегъерламишдай шейэр къватл жезва. Идани, шаксуз, инсандин психикада дегишвилер арадал гъизва.

Наркотикри инсандин мефтледи, психикадиз, уьмуьрдин къаматдиз ийизвай таъсир

"Наркоман" лугъудайла, гъасягда къатлунриз гъам гуьгъуьлдин, гъамни физический рекъий начагъ инсандин суй къезва. Наркотикар къабулуни органар рекъизва. Им субут алачир делил я. Ахпа инсандин психикадин дегишвилер къиле физва. Наркотикар къабулзавай кас адал алай гъалдикай чир жедат.

Гзаф пешекарри къейдзават, гзаф къадардин наркоманар геждалди къатлуз тахуьнин мумкин я. Абурун мягъкем физический квалубра ават, гуьгъуьлар къумбар я, вижесуз гафар рахадат, абурун фикирри дурум гузвай логика къакъатда. Медицинадин тарихдиз ранж тирвал,

наркотикрик акатзавай инсандивай къерех-дин куьмек галачиз адан аслу тирвилекай хкечлиз жедат. Гъавилий къе наркоманар сагъардай ва квачел ахкъалдардай реабилитацидин центрай арадал гъизва.

Къейд авун лазим я, вири наркотикри риклиз сад хъиз таъсирзава. Абурун инсандин мефтледи чиб тухузвай къайда кардикай хкудзава. Дамарри нервний тегъерда кваллахзава. Артериальный давление гагъ фад хкаж жезва, гагъни агъуз аватзава. Гъа идалди, риклин дамаррин эця хуьнин частота агатзава (сокращается). Наркотикри нерв-

ный системадик ва мефтледи титлихар кутазава, шад гармонар арадал гъизва, ахпа абур рекъизва. Икл, датлана ритм дегиш жезва ва идакди вири беденда чкъанвай ивидин дамарар дарда гъатзава.

Жигерар, чулав лекъ ва дуркълунар

Мефтледи таъсир авуналди, наркотикри уьгъуь ягъунин вердишвал мазлумзава. Уьгъуь ягъунин инсан азарлу хуьнин лишан къалурзава. Чи организмди а жуьреда жигеррай бактерияр, инфекция, руг, къар, къушкъум, яни ратланвай гум (смоля) акъудзава. Наркотикар чурун тавуртлани, абур ивидик кваз хъайитлани, гъер къай къелерай жигерриз, токсинар арадал гъиз, къватл жезва. И нубатда, чулав лекъ ва дуркълунар къадардилай артух кваллахуьнин гъерекатдик акатзава.

Наркоманрин бедендиз целди таъминвал бес жезвач. Ахпа яд хуьникди, ам вири дуркълунрай ахвахзава. Ивида гзаф зегъерар, токсинар къватл хъайила, абурун члехи пай чулав лекъина амуькзават. Чулав лекъинин бесвал тамам тахайла (недостаточность) инсан кефиник квазни телеф хуьн адет я. Четин гъаларик кваз гепатит азар арадал къведа. Амни цирроздал элячда. Ахпа химический составди чулав лекъ чукулнал гъидат.

Ибрагъим пайгъамбар ва адан мугъман

Садра са кьуьзуь мажусиди Ибрагъим пайгъамбардин, салам хьурай адаз, рак гатана ва адан квалей йифун патал тлалабна. Ибрагъим пайгъамбарди, салам хьурай адаз, ам кьабудун инкаруналди лагъана:

- Вуна цлуз ибадат ийизва. Вуна жуван дин инкар ийидалди, завай вун кьабудиз жедач.

Агъил мугъмандин кефияр чур хъана ва ам са патахъ фин мажбур хъана. Адан гуьгъуьналлаз Ибрагъим пайгъамбардиз, салам хьурай адаз, Аллагъди вагъю рекъе туна: "Я Ибрагъим! Вуна вучиз агъил инсан инанмиш хъанвач лугъуз, жуван квалей тунвач? Ада тлалабайвал, эгер вуна адаз са йиф ви квалей акьуддай ихтир ганвайтла, ада ваз са зарарни гудачир. Ингъе,

Мугъман кьабудун - им пайгъамбардин кьилих я. Инсанди кьилди недайла ва хъвадайла, ада вич исрафда (къадардилай артухвиле) тун тавуна, юкъван гьал кьиле тухвана кланда. Амма мугъман кьабуддайла, я туштла жув мугъман хъайила, тух жедалди тлуьртла жезва. Анжах са шарт киле тухвана кланзава: мугъман анжах Аллагъ патал кьабудун.

Сифте сеферда Ибрагъим пайгъамбарди, салам хьурай адаз, вичин ракларал атай мажуси-цлайперес диндин тафават себеб яз чукурайвал ва Аллагъди ам, а месэладин жигъетдай туьктуьр хувурвал къисадай малум хъана. Аллагъдин "Ингъе, адан имансузвиллиз килиг тавуна, Чна адаз пудкъанни цлуд йисуз рузи гузва" лугъудай гафара чехи акьулава, яни "Чна адан имансузвиллиз килиг тавуна, адаз пудкъанни цлуд йисуз рузи гузва, амма вавай са йифиз ам жуван квалей кьабудиз хъанач" лагъай мана я. Чаз малум тирвал, и дуьньяда авай гьар са чан алайдахъ галаз Аллагъ регъимлу я, амма, эхиратдин дуьньяда лагъайтла, Ам анжах инанмишбурухъ галаз мергъяматлу я.

Ибрагъим пайгъамбардин, салам хьурай адаз, тафаватлу кьилихрикай сад, им ада мугъман кьабудун тир. Дувшувш хъайи гьар садаз, диндин тафават авачиз, ада вичиз мугъман хъун патал теклифдай. Гъавилий адаз "Абуль-Адъяф" ("Мугъманрин буба") лагъана твар ганвай.

Ибрагъим пайгъамбарди, салам хьурай адаз, вичиз эсиллагъ таниш тушир рекъе авайбур мугъ-

адан имансузвиллиз килиг тавуна, Чна адаз пудкъанни цлуд йисуз рузи гузва".

Ибрагъим пайгъамбар, салам хьурай адаз, вичи авур гьалатдин гьавурда акьуна. Ада са гужуналди пакама вилив хвена ва югъ ачух хъанмазди, ам накъан мажусидихъ къекъевез фена. Эхирни адаз кьуьзуьди жагъайла, ада ам кьуна ва вичин квалей йиф акьуддайвал, алат тийиз тлалабиз башламишна. Сенфенан Ибрагъиман, салам хьурай адаз, ва къенин экъуьни Ибрагъиман, салам хьурай адаз, арада авай тафават акур мугъманди лагъана:

- Я Ибрагъим, зун вал тажуб я! Вилик квай юкъуз вуна зун чукурна, амма къе вуна заз мугъманвиллиз эверзава. Лагъ вуна заз, а жуьреда

НАСИГЪАТ

анвиллиз кьабудайвал, Кьуръанда лагъанва (мана): **"Ибрагъиман гьуьрметлу мугъман-рикай вал гьикъя агакънани? Ингъе, абур адан квалей гъахънава лагъана: "Салам хьурай ваз!" Ада лагъана: "Къезни салам хьурай, таниш туширбур!" Ам вичин хизандин патав игътият кваз фена ва куьк данадин чранвай як гваз хтана. Ада ам абурин вилик авуна ва лагъана: "Дадмишдачни куьне?" ("аз-Зарият" сура, 24-27-аятар).**

Аллагъ Таалади Ибрагъим пайгъамбардиз, салам хьурай адаз, лагъана: "Жуван мугъманар къунагъламиш ая!" Адалай кьулухъ пайгъамбарди, вичиз мугъман хъайи гьар садаз чранвай лапаг гуз хъана. Аллагъди мадни тикрарна: "Жуван мугъманар къунагъламиш ая!" Адалай кьулухъ Ибрагъима, салам хьурай адаз, вичиз мугъман хъайи гьар садаз дана туклваз хъана. Аллагъди мадни тикрарна: "Жуван мугъманар къунагъламиш ая!" Ахпа пайгъамбарди гьар са мугъмандиз деве туклваз хъана. Аллагъди мадни "Жуван мугъманар къунагъламиш ая!" лагъайла, Ибрагъим пайгъамбарди, салам хьурай адаз, мугъманрин вичи кьуллугъиз башламишна.

Адан гуьгъуьналлаз Аллагъ Таалади Ибрагъим пайгъамбардиз, салам хьурай адаз, лагъана: *"Ингъе, гила вуна мугъманар къунагъламишна"* ("Ругъуль-Байан", 9/161).

Мугъмандиз жува кьуллугъун - тарифлу амал я. Жуваз квалей авай виридалайни хъсан шей мугъмандиз гун - Аллагъ рази жедай кар я. Амма са бязи инсанри мугъман атанмазди, столдал алай са бубат хъсан шей,

дегиш хъунин сир вуч я?

Ибрагъим пайгъамбарди, салам хьурай адаз, виридалайни Чехи Аллагъдин патай вичиз атай ачухвиликай малумарайдалай кьулухъ, мажуси фикрди акатнавай: "АкI хъайила, зи Халикъ гатта зи имансузвиллиз килиг тавуна, захъ галаз хъсан рафтарвиле ава".

Ахпа ада вичин гьил Ибрагъим пайгъамбардиз, салам хьурай адаз, яргъи авуна ва лагъана:

- Сад Аллагъдилай гъейри мад маса иллагъ авачирди за шагъидвалзава ва мадни вун Адан илчи ва лукI тирди за шагъидвалзава.

Адалай кьулухъ рикле имандин ялав куьквей гьиссди, кьуьзудан вилерал акьудай шадвиллин накъвари нур гуз акъвазнавай.

гьерекатна адан вилерикай чуьнуьхзава. Адаз атанвай мугъмандиз ам гудай кьимиш къевезвач. Гъа икI, квалей иесиди, Аллагъди гузвай берекатдикай вич азадзава. ГьикI хъи, жуван квалей мугъманди тлуьргьар са шейинай, Аллагъди суваб къхъизва, яни ам садакъадай физва.

Идан жигъетдай Мугъаммад Пайгъамбарди, Аллагъдин патай салам ва хийир-дуьа хьурай адаз, лагъана: *"Мугъман - Женнетдин багълариз тухузвай белед я"*.

Ибрагъим пайгъамбардикай, салам хьурай адаз, кхъенвай къисайра лагъанвайвал, адаз мугъманар акъван кландай хъи, ам садрани суфрадихъ текдиз ацукъачир. Аллагъдин Расулдин, Аллагъдин патай салам ва хийир-дуьа хьурай адаз, гьадисда лагъанва: *"Аллагъдихъ ва Дувандин йикъахъ инанмишда вичин мугъманриз гьуьрметна кланда"* (аль-Бухари, Муслим).

Мугъаммад Пайгъамбардизни, Аллагъдин патай салам ва хийир-дуьа хьурай адаз, мугъманар гзаф кландай ва ада абур хушдаказ кьабуддай. Ада мугъманрикай хуш авачир иесияр виликамаз хабардар авуна: *"Мугъманар лайихлудаказ кьабул тийизвайда, кьуй хъсанвал вилив хуьн тавурай"* (Агъмад).

Гъа икI, чаз малум хъайивал, диндин тафават авачиз мугъман кьабудун хъсан амал я. Мугъман авай квалей берекат артух жедат. Мугъман кьабудзавай иесидилай Аллагъ рази жезва. Чаз, инсанриз, Аллагъ чалай рази хъунилай мад чехи бахт авани?!

А. ЭМИРСУЛТАНОВ

ОТЧЕТ ОБ ИСПОЛНЕНИИ БЮДЖЕТА

с/п "с. Каладжух" за II квартал 2021 год

Доходы бюджета

Наименование показателя	Код строки	Код дохода на бюджетной классификации	Утвержденные бюджетные назначения	Исполнено				Неисполненные назначения
				Через финансовые органы	Через банковские счета	Некассовые операции	ИТОГО	
1	2	3	4	5	6	7	8	9
Доходы бюджета- всего			3992	1865			1865	
Земельный налог		18210606043101000110	251	126			126	
Имущественный Налог физ. лиц		18210601043101000110	76	38			38	
Налог на доходе физических лиц		10000110101020000	66	33			33	
Объем дотаций поселению РД			3510	1614			1614	
Расходы ВУС			107	54			54	
Резервный фонд							-100	


Расходы бюджета

Наименование показателя	Код строки	Код расхода по бюджетной классификации						Утвержденные бюджетные	Исполнено Через финансовые органы
1	2	3						4	6
Расходы бюджета -всего	200							3992	1891
Ост. с начала года								24	
Заработная плата адм-ция		001	0104	88300	20000	121	211	1210	647
Начисления на зарплату		001	0104	88300	20000	129	213	365	229
Энергия		001	0104	88300	20000	244	223	130	40
Услуги связи		001	0104	88300	20000	244	221	50	
Транспортные услуги		001	0104	88300	20000	244	222		
Коммунальные ус.		001	0104	88300	20000	244	223	100	
Уплата налога на имуществ. Орг-ий		001	0104	88300	20000	244	853		
Работы услуги по содержанию имущества		001	0104	88300	20000	244	225	100	
Прочие расходы		001	0409	15300	20000	760	244		
Прочие расходы		001	0104	88300	20000	244	290		
Увеличение стоимости основных средств		001	0104	88300	20000	244	310		
Увеличение стоимости Мат-ных запасов		001	0104	88300	20000	244	340	350	251
Зарплата ВУС		001	0203	99800	51180	121	211	82	41
Нач-ния 17-365		001	0801	99800	51180	129	213	25	13
Заработная плата ЖКХ		001	0505	99900	5000	211	111	644	251
Нач-ния на вып-ты по оплате труда ЖКХ		001	0505	99900	5000	213	119	195	59
Услуги по содержанию имущество		001	0505	99900	05000	244	225	255	16
Заработная плата СДК		001	1403	261	0160	20	540	373	320
Начисления на выплаты по опл. труда СДК		001	1403	261	60020	540	213	113	40
Результаты исп-ния бюджета (дефицит профицит)									164

З.М. МИРЗОЕВ, руководитель

М.Э. МИХРАЛИЕВ, бухгалтер

Что грозит за покупку сертификата без прививки?



Уважаемые жители Докузпаринского района!

На фоне пандемии в республике зафиксированы случаи, когда люди вместо того, чтобы пройти вакцинацию и защитить себя и окружающих от опасной болезни нашего века - новой коронавирусной инфекции, приобретают липовые сертификаты о пройденной иммунизации.

К вашему сведению сертификат о вакцинации является официальным документом. Его подделка или оборот несет собой уголовную ответственность. Итак, разберем вопрос о последствиях фиктивной вакцинации с получением сертификата.

УГОЛОВНАЯ ОТВЕТСТВЕННОСТЬ

Участникам сделки по приобретению сертификата без реальной вакцинации грозит уголовная ответственность.

При этом привлекаются лица могут по различным статьям.

ОТВЕТСТВЕННОСТЬ ПОКУПАТЕЛЯ

Лицо, приобретшее фиктивной сертификат, может привлекаться к ответственности по ст. 236 УК РФ за нарушение санитарно-эпидеми-

ологических правил.

Ответственность по данной статье может достигать пяти лет лишения свобода.

ОТВЕТСТВЕННОСТЬ МЕДИЦИНСКИХ РАБОТНИКОВ

Для медицинских работников ответственность будет наступать по ст. 327 УК РФ за подделку, изготовление или оборот поддельных документов. Для них максимальная ответственность, как разъясняет МВД, составит 2 года лишения свободы.

ДРУГИЕ ОСНОВАНИЯ ДЛЯ ОТВЕТСТВЕННОСТИ

Также известны случаи привлечения по другим статьям Уголовного кодекса:

- ст. 159 УК РФ - Мошенничество
- ст. 290 УК РФ - Получение взятки
- ст. 291 Дача взятки

Зачем тратить большие деньги и переходить черту закона, рискуя испортить себе биографию, когда в любое удобное время и в любом удобном месте можно вакцинироваться бесплатно.

Скорая помощь ЦРБ Докузпаринского района
тел.: 8 928 059 84 90, 8 989 868 03 00

«ГОЛОС ЭРЕНЛАРА»

2001-йисан
ноябрдилай акъатзава

Тешкилайди:
Докузпара райондин
администрация,
Дагъустан Республика

Учредитель:
Администрация Докузпаринского
района, Республика Дагестан

Къилин редактор:
А.Э.ЭМИРСУЛТАНОВ

Жавабдар секретарь:
В.С.АГЪАМУРАДОВ

Хусуи корреспондент:
Ш.О.ШАГЪБАЛАЕВ

Корректор:
Ш.О.ШАГЪБАЛАЕВ

Верстка ийизвайди:
КЪ.В.АГЪАМИРЗОЕВ

Газетдин индексар:
Зур йисан къимет - 299 м.
Йисан къимет - 598 м.

Чандиз вахкай вахт: 14:00
Чанзавай вахт: 17:00

Тираж: 440

Редакциядинни макъалайрин авторрин фикирар сад тахъун мумкин я. Макъалайрин делилрин дувъилшин паттахъай жасаб авторри чни гуда. Макъалайриз рецензия гузвач ва абур элжъвена вахкузвач. Мадни, чпин макъалайра дегивилер тунал, къилер дегивилерунал рази тушир мухбиривай чна абур редакциядиз ракъур тагун тIалабзава.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан

Регистрационный номер ПИ №ТУ5 - 00256 от 14 июня 2013 г.

Редакциядин, издательстводин ва типографиядин адрес:

368750, Докузпара район, Усугъчай хуър,
тел.+7 (8722) 55-14-61
e-mail:
golos-erenlara@mail.ru
Чи сайт: www.erenlar.ru